



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅՈՒՆ

Ո Ր Ո Շ ՈՒ Մ

8 հոկտեմբերի 2015 թվականի N 1208 - Ն

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2014 ԹՎԱԿԱՆԻ
ԴԵԿՏԵՄԲԵՐԻ 18-Ի N 1515-Ն ՈՐՈՇՄԱՆ ՄԵՋ ԼՐԱՑՈՒՄՆԵՐ ԿԱՏԱՐԵԼՈՒ
ԵՎ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՏԱՐԱԾՔԱՅԻՆ ԿԱՌԱՎԱՐՄԱՆ
ԵՎ ԱՐՏԱԿԱՐԳ ԻՐԱՎԻՃԱԿՆԵՐԻ ՆԱԽԱՐԱՐՈՒԹՅԱՆ ՄԻՋՈՑՈՎ
ԱՆԱՊԱՀՈՎ ԸՆՏԱՆԻՔՆԵՐԻՆ ԹՎԱՅԻՆ ՀԵՌՈՒՍՏԱՏԵՍԱՅԻՆ
ԸՆԴՈՒՆԻՉ ՍԱՐՔԵՐ ՏՐԱՄԱՐԴԵԼՈՒ ՄԱՍԻՆ

Հայաստանի Հանրապետության կառավարությունը ո ր ո շ ու մ է.

1. Հայաստանի Հանրապետության կառավարության 2014 թվականի դեկտեմբերի 18-ի «Հայաստանի Հանրապետության 2015 թվականի պետական բյուջեի կատարումն ապահովող միջոցառումների մասին» N 1515-Ն որոշման N 11 հավելվածի NN 11.20 և 12 աղյուսակներում կատարել լրացում՝ համաձայն NN 1 և 2 հավելվածների:

2. Հայաստանի Հանրապետության տրանսպորտի և կապի նախարարին՝ վերանայել «Հայաստանի հեռուստատեսային և ռադիոհաղորդիչ ցանց» փակ բաժնետիրական ընկերության հետ կնքված «Պետության կողմից «Հայաստանի հեռուստատեսային և ռադիոհաղորդիչ ցանց» փակ բաժնետիրական ընկերությանը դրամաշնորհի ձևով տրամադրվող ֆինանսական աջակցության գումարների օգտագործման մասին» պայմանագիրը՝ պայմանագրում նախատեսելով համապատասխան դրույթ, որ պայմանագրով նախատեսված 228,614.7 հազ. դրամից 206,500.0 հազ. դրամն օգտագործվելու է DVB-T2 ստանդարտի թվային հեռուստատեսային ընդունիչ սարքերի ձեռքբերման նպատակով:

3. «Հայաստանի հեռուստատեսային և ռադիոհաղորդիչ ցանց» փակ բաժնետիրական ընկերության գլխավոր տնօրենին՝ սույն որոշման 2-րդ կետով նախատեսված և «Հայաստանի հեռուստատեսային և ռադիոհաղորդիչ ցանց» փակ բաժնետիրական ընկերության կողմից հեռուստատեսային թվայնացման ծրագրի իրականացումից խնայված (158,997.5 հազ. դրամ) միջոցների հաշվին ձեռք բերել 48.733 DVB-T2 ստանդարտի թվային հեռուստատեսային ընդունիչ սարքեր՝ 365,497.5 հազ. դրամ ընդհանուր արժողությամբ, և սույն որոշման 4-րդ կետի համաձայն դրանք անհատույց հանձնել Հայաստանի Հանրապետության տարածքային կառավարման և արտակարգ իրավիճակների նախարարությանը:

4. Հայաստանի Հանրապետության տրանսպորտի և կապի նախարարին՝ ապահովել սույն որոշման 3-րդ կետով նախատեսված DVB-T2 ստանդարտի թվային հեռուստատեսային ընդունիչ սարքերի ընդունման-հանձնման ակտով հանձնումը Հայաստանի Հանրապետության տարածքային կառավարման և արտակարգ իրավիճակների նախարարությանը՝ սոցիալապես անապահով ընտանիքներին տրամադրելու համար:

5. Հայաստանի Հանրապետության տարածքային կառավարման և արտակարգ իրավիճակների նախարարին՝ Հայաստանի Հանրապետության աշխատանքի և սոցիալական հարցերի նախարարի հետ համատեղ՝ սույն որոշումն ուժի մեջ մտնելուց հետո 30 օրվա ընթացքում, ներկայացնել սույն որոշման 3-րդ կետում նշված սարքերի բաշխման կարգի վերաբերյալ առաջարկություն՝ դրանում հաշվի առնելով սարքերի տրամադրման համար հիմք ընդունվող հանգամանքները, տեղափոխմանը և պահեստավորմանը վերաբերող հարցերը:

6. Սույն որոշումն ուժի մեջ է մտնում պաշտոնական հրապարակմանը հաջորդող օրվանից:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՎԱՐՉԱՊԵՏ

Հ. ԱՐԲԱՎԱՄՅԱՆ

2015 թ. հոկտեմբերի 23
Երևան



Հավելված N 1
ՀՀ կառավարության 2015 թվականի
հոկտեմբերի 8-ի N 1208 - Ն որոշման

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2014 ԹՎԱԿԱՆԻ ԴԵԿՏԵՄԲԵՐԻ 18-Ի N 1515-Ն
ՈՐՈՇՄԱՆ N 11 ՀԱՎԵԼՎԱԾԻ N 11.20 ԱՂՅՈՒՄԱԿՈՒՄ ԿԱՏԱՐՎՈՂ ԼՐԱՑՈՒՄԸ

Չափորոշիչներ		Ցուցանիշների փոփոխությունը (ավելացումը նշված է դրական նշանով)	
		նշ ֆինանսական ցուցանիշներ	ֆինանսական ցուցանիշներ
		տարի	տարի
ՄԱՍ Գ: Նախարարի պատասխանատվության ներքո իրականացվող քաղաքականության միջոցառումների և ֆինանսական կառավարման արդյունքների ցուցանիշները			
1. Քաղաքականության միջոցառումներ			
1.1. Ծառայություններ			
Ծրագրային դասիչը		<u>Անվանումը</u> Հեռուստատեսային ծառայություններ	
1042	ԱԾ07	<u>Նկարագրությունը</u> Հայաստանի Հանրապետությունում թվային հեռուստահեռարձակման ապահովման շրջանակներում հանրապետական սփռման մուլտիպլեքսի արբանյակային տարածման համար արբանյակային ունակության վարձակալում	
Քանակական	Հայաստանի Հանրապետությունում մուլտիպլեքսի արբանյակային տարածման համար արբանյակային ունակության վարձակալում		
	DVB-T2 ստանդարտի թվային հեռուստատեսային ընդունիչ սարքերի ձեռքբերում		48,733
Որակական	Համաձայն ՀՀ կառավարության 2013 թվականի հունիսի 20-ի N 24 արձանագրային որոշման		
Ժամկետայնություն	Համաձայն ՀՀ կառավարության 2013 թվականի հունիսի 20-ի N 24 արձանագրային որոշման		
Մատուցվող ծառայության վրա կատարվող ծախսը (հազ. դրամ)		x	0

Ծրագիրը (ծրագրերը) որի (որոնց) շրջանակներում իրականացվում է քաղաքականության միջոցառումը 1042 Ռադիո- և հեռուստահաղորդումների հեռարձակման ծառայություններ
Վերջնական արդյունքի նկարագրությունը Անխափան թվային հեռուստահեռարձակման ապահովում
Ծառայություն մատուցողի (մատուցողների) անվանումը (անվանումները) «Հայաստանի հեռուստատեսային և ռադիոհաղորդիչ ցանց» ՓԲԸ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԿԱՌԱՎԱՐՈՒԹՅԱՆ ԱՇԽԱՏԱԿԱԶՄԻ
ՂԵԿԱՎԱՐ-ՆԱԽԱՐԱՐ

Դ. ՀԱՐՈՒԹՅՈՒՆՅԱՆ

Հավելված N 2
ՀՀ կառավարության 2015 թվականի
հոկտեմբերի 8-ի N 1208 - Ն որոշման

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ 2014 ԹՎԱԿԱՆԻ ԴԵԿՏԵՄԲԵՐԻ 18-Ի
N 1515-Ն ՈՐՈՇՄԱՆ N 11 ՀԱՎԵԼՎԱԾԻ N 12 ԱՂՅՈՒՍԱԿՈՒՄ ԿԱՏԱՐՎՈՂ ԼՐԱՑՈՒՄԸ

Ծրագրային դասիչը		Գործառական դասիչը (բաժինը/խումբը/դասը)	Ծրագիրը/քաղաքականության միջոցառումը	ՀՀ 2015 թվականի պետական բյուջե (հազ. դրամ)
ծրագիրը	միջոցառումը			
1042			ԾՐԱԳԻՐ	
			Ռադիո- և հեռուստահաղորդումների հեռարձակման ծառայություններ	365,497.5
			Ծրագրի նկարագրությունը Հանրային հեռուստաընկերության կառավարում, համակարգում և մոնիթորինգ	
			Վերջնական արդյունքի նկարագրությունը Հանրային հեռուստաընկերության լիազորությունների և Հանրային հեռուստաընկերության խորհրդի միջոցով իրականացվող այլ ծրագրերով նախատեսված արդյունքների ապահովում	
			Քաղաքականության միջոցառումներ.Ծառայություններ	
			Հեռուստատեսային ծառայություններ	365,497.5
			Մատուցվող ծառայության նկարագրությունը Հայաստանի Հանրապետությունում թվային հեռուստահեռարձակման ապահովման շրջանակներում հանրապետական սփուման մուլտիպլեքսի արբանյակային տարածման համար արբանյակային ունակության վարձակալում DVB-T2 ստանդարտի թվային հեռուստատեսային ընդունիչ սարքերի ձեռքբերում	
			Ծառայություն մատուցողի (մատուցողների) անվանումը (անվանումները) «Հայաստանի հեռուստատեսային և ռադիոհաղորդիչ ցանց» ՓԲԸ	

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԿԱՌԱՎԱՐՈՒԹՅԱՆ ԱՇԽԱՏԱԿԱԶՄԻ
ՂԵԿԱՎԱՐ-ՆԱԽԱՐԱՐ



Դ. ՀԱՐՈՒԹՅՈՒՆՅԱՆ